

**Ўзбекистон Республикаси Давлат солиқ кўмитаси ҳузуридаги
Жамоатчилик кенгашининг 2022 йил IV чорагидаги фаолияти
тўғрисида қисқача маълумот**

1. 2022 йил октябрь ойида Давлат солиқ кўмитаси ҳузуридаги Жамоатчилик кенгашининг “Хўжалик юритувчи субъектларнинг бизнес жараёнларида электрон ҳужжат айланиши тизимини такомиллаштириш чоратадбирлари тўғрисида”ги Президент қарори (ID-69994) лойиҳаси муҳокамасига бағишланган битта йиғилиш бўлиб ўтди.

Жамоатчилик кенгаши аъзолари қарор лойиҳасига ўзларининг ўзгартириш ва қўшимчаларини таклиф қилишди, уни шу ердан юклаб олишингиз мумкин.

2. Давлат солиқ кўмитаси ҳузуридаги Жамоатчилик кенгашининг 2022йил ноябрь ойида Солиқ кодексига 2023йилдан кучга киритилиши лозим бўлган ўзгартиш ва қўшимчалар лойиҳасини муҳокама қилиш бўйича битта йиғилиши ўтказилди.

Жамоатчилик кенгашининг аъзолари мазкур ўзгартиришлар лойиҳасига ўз фикрлари ва қўшимчаларини таклиф қилдилар. Хусусан, улар СКнинг 14 -моддасидаги таклиф қилинган ўзгартиришларга қарши чиқдилар. Уларга мувофиқ, солиқ органлари ҳуқуқни суистеъмол қилиши, суд қарорисиз сохта (шубҳали) битимларни тузиш ҳолатларини белгилаш ҳуқуқига эга бўлар эди.

3. 2022йил декабрь ойида Жамоатчилик кенгашининг иккита йиғилиши ўтказилди, унда Давлат солиқ кўмитаси Марказий аппарати ходимларининг кўйидаги таклифлари муҳокама қилинди:

- мажбурий инвентаризация ўтказиш. Кенгаш аъзолари мажбурий инвентаризация ўтказмасдан туриб, қўйилган муаммоларни ҳал қилишнинг муқобил усулларини таклиф қилдилар. Кенгаш фикрини бу ердан юклаб олиш мумкин;

- “Солиқ тўловчиларнинг ишончилиги” индексини жорий этиш тўғрисида. Кенгаш аъзолари мавжуд “хавф-хатарларни таҳлил қилиш” воситалари ва солиқ қонунчилигини бузиш хавфи минимал бўлган солиқ тўловчиларни аниқлаш имкониятини ҳисобга олган ҳолда ушбу индекснинг мақсадга мувофиқлигига шубҳа билдирдилар.

Давлат солиқ қўмитаси марказий аппарати ходимлари иштирокида “2023-2027-йилларда солиқ тўловчилар ва давлат солиқ хизмати органлари ўртасидаги солиқ низоларини судгача ҳал этиш тизимини ривожлантириш” Концепцияси лойиҳаси ишлаб чиқилди ва муҳокама қилинди.

Концепциянинг мақсади - судгача ҳал қилиш тизимини ривожлантириш орқали солиқ тўловчиларнинг солиқ органларига бўлган ишончини ошириш ҳамда солиқ тўловчиларнинг ҳуқуқ ва қонуний манфаатларига риоя этилишининг юқори стандартларини таъминлашдир. Концепция лойиҳасини шу ердан юқлаб олишингиз мумкин.

Савдо-саноат палатаси ҳузуридаги Жамоатчилик кенгаши аъзолари билан ўтказилган қўшма йиғилишда Давлат солиқ қўмитаси ҳузуридаги Жамоатчилик кенгаши аъзолари ҳам иштирок этди. Йиғилишда Давлат солиқ қўмитаси ва Молия вазирлиги томонидан Солиқ кодексига таклиф этилган ўзгартиришлар муҳокама қилинди. Мутахассисларнинг тадбиркорлар манфаатларини ҳимоя қилишга қаратилган таклифларининг салмоқли қисми қабул қилинди.